

安徽府縣志輯

中國地方志集成

民國全縣志
道光末安縣志

中國地方志集成

安徽府縣志輯 ③⑤

道光來安縣志

民國全椒縣志



江蘇古籍出版社 ● 上海書店 ● 巴蜀書社

責任編輯 王華寶
封面設計 范一辛
美術編輯 姜嵩

中國地方志集成

安徽府縣志輯③⑤

出版發行 江蘇古籍出版社

社址：南京市中央路一六五號

發行部電話：〇二五—三二三三四六二

郵編：二一〇〇〇九


印刷 上海市印刷七廠

定價 一九四元


1998年4月第1版第1次印刷

ISBN 7-80519-992-2/K·471

ISBN 7-80519-992-2



9 787805 199924 >



重修全椒縣志卷首

脩志職名

監脩

張其清 紹興人本邑知事

主任

張德壽 以下均邑人

汪文綬

纂脩

江克讓

吳承志

全椒縣志

卷首

脩志職名

汪文鼎

參訂

吳汝弼

葉柏青

葉堯階

王宗沂

吳文瀚

史維孝

校閱

王大啟

金家慶

惠伺

王福銓

汪俞元

葉華鑾

楊道隆

周邦楨

江福林

邱景藩

盛時河

許思沂

江培年

張貽信

盛朝楨

韋鳴球

盛元龍

金其相

全椒縣志

卷首

脩志職名

楊治平

印書城

李振華

邱良弼

邱功祥

江紹烈

金作礪

賈懷瑜

金文誥

程德宣

孫閔禔

郭受禔

汪鴻臚

朱鐘鼎

章慶熊

江紹禹

黃樹人

薛葆樞

曹受祿

魯光華

劉承誥

程保元

柳錦華

印策洪

吳楚宮

任光謙

周聯奎

薛屏熾

汪開棟

金毓楨

張治華	李玉昆
梅家穀	吳蔭樞
彭光熙	尙茂楨
採輯	
魯光釗	印仲熙
王福燁	任光斗
趙光前	韓繼襲
馮文傑	吳德安
王信	
調查	
全椒縣志 卷首 脩志職名 三	
常學鏞	傅瑞庭
石鈞	張名儒
彭耀宗	陳金山
雍光儀	盛學忠
潘金桂	陳濤
陳蔚光	馮長源
陳寶書	王家鐸
阮成霖	戚銳
張騰驥	傅汝金
阮明	高大鵬

潘能楨	羅廷衡
孫闥禧	孫家驥
何銀	王士瀛
封燿山	劉正琦
費錫龍	薛有容
王鴻才	王筱卿
魏大德	姚稚山
劉兆霖	梅春先
李茂清	余秉鈞
胡鑑宗	江濟川
全椒縣志 卷首 脩志職名 四	
劉國琛	呂黃
章步雲	蘇百川
王聘之	王文宗
戴仕謙	張致中
施維和	李文淵
劉汝功	王其鑫
徐德榮	何恩綬
張有麟	張名山
武玉谷	馮星垣
薛仲光	王禮卿

萬炳南

張學高

楊復仁

於宜均

校對

吳文楷

江兆清

膳寫

郭叔瑗

吳德寬

江熙年

繪圖

全椒縣志

卷首

情志職名

五

魯鴻鈞

周介藩

重修全椒縣志序

全椒素稱文物之邦名宿代不乏人惟縣志獨付闕如歲丁巳清由渦陽移篆是邦輅軒之採搜及志乘僅得抄本數冊訪之紳耆僉云本邑志書自康熙年間藍君學鑑成書以後久未續刊迄今二百餘年文獻時虞失墜遍求藍志刊本亦未卽得惋惜久之簿書之暇輒與邑紳張君菡潭汪君佩丞商議續修嗣以世變迭乘旋議旋輟已未春召集各坊董事會議續輯縣志事期必舉羣認籌款開辦始設修志事務所於城區派採訪員分區蒐討閱一年有餘編集竣事其間乾嘉掌故雖年代湮遠尙無疏漏而道咸以後之紀載尤能

全椒縣志

卷首

序

六

網羅散佚補苴粗備國體變更開中國千古未有之局當此絕續之交審訂一邑之事實藉此留遺後人流覽亦快心事也清蒞椒三載獲觀斯志之成又重以張汪二君介余言以弁篇首余曷敢以不文辭

民國九年秋九月紹興張其濬序

序

縣志首重沿革沿革不明則疆域混淆人物無所依據舊志謂吾邑春秋時屬鍾離國不知何所本按左氏傳載伍尚爲棠邑大夫通鑑胡注棠在滁全浦六間則吾邑爲棠邑之一部分左氏又稱楚大夫伍舉爲椒舉疑椒卽全椒而棠邑屬之皆爲舉或其子奮續封之采地故尙繼其祖父爲棠大夫歟春秋大夫之有封邑者子孫得於封邑世其官列國皆然不獨楚也余嘗以此質之薛皋淮邱端甫諸君僉以爲然復得江吳兩君攷證事尙確實又漢書地理志九江郡屬有全椒阜陵而無滁意全椒阜陵卽今滁全兩邑地而疆域不可

全椒縣志

卷首

序

七

考矣再荀悅漢紀謂范增爲阜陵人而史漢則謂爲居巢人疑增以阜陵人而居巢後人因史漢之言略而未詳遂誤以居巢爲地名考秦漢前如巢伯南巢皆稱巢無稱居巢者可見不然悅爲東漢時人寧不見史漢而爲此說必別有所據可知卽史漢是而漢紀非亦當兩說并存焉又懷遠縣志載明吏部尙書年富本全椒人幼隨父買於懷因入懷籍而舊志皆未載似嫌疏漏已屬同人補錄所惜舊志惟藍本孤行迄今已二百餘年中間如韓春泉內翰修成業刊大半而毀於兵燹稿亦散佚金仲和茂才續修而未成書薛慕淮孝廉舊雖成而未刊邑人咸以爲憾事去秋奉省令飭各屬修縣

志張印渠縣長屬余暨汪佩丞太守爲主任不敢以不文辭恐時愈久徵考愈難故乃聘江吳兩君爲纂修閱一載而告成汪君以名進士有聲於時江吳兩君皆博學能文悉心編輯對於人物筆削一秉大公余以垂暮之年躬逢其盛快慰無似因綴數語於簡端惟各門搜採容有未周體裁容有未當匡正則俟後之君子

民國九年十二月張德需序

全椒縣志

卷首

序

八

跋

古者列國有史今之郡縣志書當之矣志者記也記以徵實也吾邑志書遠者不及見矣其可徵者惟康熙時邑侯藍公修訂之本嘉道以後鄉先輩韓公春泉金公仲和一意重修書皆未果成光緒癸卯薛師纂淮與葉仙贊邱端甫兩先生同謀合修牽於它事又未成帙自茲抱殘守缺邑人士咸惴惴以歲久湮沒是懼去年夏知縣事者張公印渠奉通令舉行修志時文經方家居杜門息影敦促董理斯役弗克果辭乃從張丈菡潭之役設局經營邀江先生退公吳先生述庵力任纂修之職數月述庵因事留京仲兄鼎丞踵其事閱十

全椒縣志

卷首

跋

九

月而書成吁可憲也文經不文樂觀斯志之成不能已於言謹書其略於後發端竟委有諸序弁言在前茲不復贅云
民國九年八月汪文綬謹跋

序

余弱冠歲聞邑邱氏藏有藍志從其借觀知爲清康熙初藍令學鑑暨前輩吳玉隨手修刊本爲卷十八爲目三十四附目甚繁藝文居全部之半嗣見內載歷年舊序蓋志創於明弘治間梅莊黃公而田公樞楊公道臣白公惺涵繼之是康熙前凡已四輯而藍志僅如彼亦足見斯事之難矣乾嘉之盛吾邑人文蔚鬱金棕亭吳山尊諸先達均未議及於此道光中韓春泉先生所修積槩盈棟未藏事而粵亂燬同治初金仲和先生懼大亂後文獻易亡就俞俊生先生札錄掌故亟起而謀修纂越四十年薛先生纂准得其遺稿與葉先生

全椒縣志

卷首

序

十

仙贊邱先生端甫斟酌損益哀集成書爲今抄存光緒志不然恐夏殷之禮慨杞宋之無徵久矣已未夏末省檄重修邑志知縣事張公印渠屬張先生涵潭汪先生佩丞董茲役兩先生遽以纂修議克讓與吳先生述庵從事克讓謂陋邑足附吳先生後未獲遜謝迺與吳先生計議編訂時適有以志例請者以爲當民國言修志值數千年未有之局凡民國後事似宜別爲紀載余曰噫子誤矣郡縣之有志猶國之有史也昔龍門創史例總二千餘年事爲一編起軒轅訖漢武意後之史家踵其舊迹雖再閱數千年更姓改物之異而仍循編年紀事之實以成一部通史庶因革損益源流易稽班固

不達此旨斷代爲之爲後儒所痛詆故杜君卿作通典司馬溫公作通鑑鄭漁仲作通志皆亟欲復龍門之舊臣班氏之謬也郡縣志例猶一仿遷書之意遠稽往蹟近採時事凡疆域田里山川勝蹟與夫風俗政教人文物產無不本本原原同條共貫萃爲一書是郡縣之志所以異於國史者正在此也今予欲另編是以班氏斷代爲史而爲志其曷以免後儒之議問者唯唯而退縣是與吳先生釐正前志酌更篇目筆削紀傳舊文蒐輯城鄉故實誤者正之繁者刪之闕者補之不足者續之屬稿未定吳先生以講習自治入都舉汪先生爾丞繼其任適於庚申季夏歲星一周草創輒就雖嚴寒酷暑焚膏繼晷未敢稍輟其全書叙次概畧余已發明凡例中茲不復述

全椒縣志

卷首 序

士

民國九年十月既望江克讓謹撰

序

昔明胡恭肅撰滁州志四卷全椒爲轄縣隸焉予少時曾讀其舊槧本制體簡而罕詳康熙朝藍志刊行其時適清奠鼎初禁忌律嚴遺老如金雙屨吳望陽等書議傳論銷燬殆盡吾邑溯南譙講會後繼附東林草莽間必多抗節跂行者藍志乃畏避削去不道迨乾隆時以勳貴表揚而猶徵追謚節愍等抑何未與表揚者無傳也嗣續修於嘉慶末年韓春泉就纂皖通志之聘而先爲桑梓賔輯吳山尊汪上章諸先達其時尚健存見聞賅博長老往往稱其書惜削刪未竟而亂亡同治初金仲和攜據於煨燼之餘未獲成帙薛慕淮先生

全椒縣志

卷首 序

士

用責據依光緒末與葉邱兩君重修予亦嘗躬與參訂竊怪康乾間文運熾盛吾邑人士夙慕風雅其通顯被舉鴻博經學輩或頗著抑何布衣儒素淹蹟衡門書姓氏著錄罕存也重以吳樞密載元祐黨籍僧慈山名曹溪大師而舊志都略焉弗紀薛先生等悉心摭摭得散失寫定凡十二卷藏於官署民國八年秋會稽張公印渠宰吾邑敷政三年民稱其治暇則展閱前志覺國體既嬗後事之未及載者幾廿年廼命予從張江兩汪諸先生後商榷凡例增益彙爲新志若干卷閱暮年工竣噫事非待時而莫彰世有志節文學不幸而厄於苛令佚於兵劫固由無人時纂述而稱美之抑雖

有纂述而付槧傳後或未逮其遺蹟恐終零墮而今邑宰所敦督何其時宜也斯志一徇前志傳信傳疑不敢稍戾義法子既借同人昕夕編摩猶憶當年共事存者葉君外張先生菡潭年幾八旬矣滄桑幾經兩與是役乃遽獲於國事紛擾時書成行世私慨念爲幸不禁援筆覲續誌之吳承志序

全椒縣志

卷首

序

三

序

縣志古侯國史也居是邦者披覽山川風物每望古而寄遐思及考歷代文獻嘉言懿行輝映簡編又往往各抱千秋之想是書之足爲鄉人觀感顧不重歟民國肇造海內倏擾無寧日我省議會他務未遑獨亟亟倡修邑乘誠以政體新舊遞嬗爲文字絕續關鍵舊者加詳新者增益其未備此有志者之責而承風踵起之不容緩也然吾常慨志書之不易修則自有說鳳台縣志兩志皆成於一人之筆削世稱爲善本桐城方姚輩起以古文辭鳴天下宜志書之傳今信後也而卒未之聞蓋纂修必合羣力縱其間有蓄道能文之士輒爲齟齬者意氣不相下而賢者又不欲以文字自矜終退讓而落於一二凡庸之手此不獨文人習氣使然而媚嫉之弊隱中於人心爲世詬病也予以學校事鮮暇隨吳先生述庵江先生退公後商酌損益無語不參同無意不互證惟求於古今事實之得當不拘成例以持短長不徇私情以爲去取十閱月而全書規制粗定根據於藍志近接薛邱葉三先生彙本得張先生涵潭予季佩丞主持斯役參考釐訂遂令二百餘年未成之書一旦付剞劂謂非邦人士一快事乎雖然世界進化蒸蒸日上後之人安知無應時而起開拓意境別創一大書特書之例我輩適了斯文絕續之交固無意氣之足

全椒縣志

卷首

序

四

云惟憶臨風染翰呵凍落紙或夜靜燈闌時茶烟未歇笑談問答訴合於無形此其境殆每念不忘矣世變縱亟而是書之關於人心風俗必爲世所特重可斷言也試質之當世同志者

民國九年十一月汪文鼎謹序

全椒縣志

卷首 序

圭

序

昔太史公作史記歐陽子修五代史皆於絕續之交毅然負擔其重任於是拾殘補闕犁然而訂之而後得成爲專書皆上承孔子成春秋之意也嘗思天下者國之積也椒雖彈丸黑子亦古侯國也一國而無文獻則國幾不國將何以繼往昔開來葉乎君子惻焉茲者清廷遜位民國遞嬗亦既九年矣默觀九年中朝廷之政教下而一邑一鄉之風俗果何如乎吾不忍言矣而且此九年來朝野上下之相爭相競者其意安在至立國之道莫先於制作今尙未遑焉吁上無禮下無學喪無日矣奚其可吾椒舊有藍氏志僅成書於勝清入

全椒縣志

卷首 序

夫

主中國之初採取既不宏通體例亦未完備實無可諱言者迄今又二百餘年矣雖一修於韓氏方成書而粵亂作再修於金氏當粵亂之初平三修於薛氏在清之末載皆因艱於資而未克剏刪故今日孤存者止其藍氏志及薛氏之稿本耳吾想二百餘年間前賢之遺聞佚事廢墜者不知凡幾語曰遺腹之子不思其父者無貌於心也苟失今不圖後將何及去年秋吾邑議修志事舉江吳汪三君任編纂歲杪余由都中歸每至江君處見其黠竄塗乙積稿滿案披覽之下余亦間參末議今夏返里全書已告成噫亦勤矣昔余亦嘗有志於斯命兒輩及學子將藍氏志分抄數部意在存其真以

備考訂嗣因旅食三年於外迫於饑馱而止今江君抱遺經而自處獨能本其所學抒其偉識閱議與同人等彈一載之精勤於舊志善而可因者僅十之二三其改而勘之者則十之六七事必徵諸實文必求其簡而賅於以成爲斯志當世不乏知者可參觀而得也嗚呼吾人不幸而生斯世既無功業之可言則拾殘補闕豈異人任乎江君斯志之成雖所述者前言往行第已過之陳迹而際此絕續之交其足以維持世道人心者誠非淺鮮是則江君之志非即太史公歐陽子之志乎而況余所欲爲而不得爲而江君竟爲而成之直不啻余自爲之則余之私心欣幸爲何如者也是爲序

全椒縣志

卷首

序

七

民國九年十一月惠侗謹序

重脩全椒縣志凡例

一縣志舊刻存者寥寥明代三次纂輯皆不獲親惟清康熙志邑邱氏藏有孤本韓志功虧一簣卒委灰燼同治亂平存亡絕續之交金氏續脩一稿最有功於文獻薛葆璉得之重脩光緒志此今志所依爲根據者也至蒐採宜求賅洽編載務貴精嚴遺槩罕憑皆竄易見博雅君子庶幾匡正焉

一本志畧仿光緒志定爲十二總綱曰輿地山川風土食貨學校武備職官人物列女宗教藝文稌志惟宗教一志新增舊稌志中仙釋改爲釋道補輯回耶分爲四類而以

全椒縣志

卷首

凡例

六

寺觀等附載各教之役餘悉仍舊

一各綱分目凡六十有九副目十有三其應變易名稱者如坊鄉今改坊區錢法改錢幣鹽法改鹽運兵制改營防是也有應遷移次第者如沿革舊在坊鄉後今改置疆域前經緯度舊附星野今改附疆域是也有應補加門類者如輿地志增鐵路郵政食貨志增實業附加稅公債學校志增學校教育會勸學所武備志增警察警備隊器械是也至分目中又各有條載事實者文繁不及縷述

一每綱之下各志多有序引以總括一篇之旨惟近代王柏心漢陽志謂其陳陳相因千手雷同削去不載然鄭氏通

志二十畧每篇皆有小敘以發明著述新意久爲論者所許今採光緒志稿各綱例言稍加增改冠諸篇首用夾際通志例也

一各類正目均另紙低二字書目於前有副目者用小字旁書俟正文載畢必頂格重立一目而以單行大字載事於後惟不另紙不低二字以示區別如不便分目止宜合載於一類中者則於正目之旁書曰某類附

一疆域坊區與鄰邑接界者採輯不厭求詳本志於疆域分八方紀載遇以河爲界者則註明以河心爲限至犬牙錯雜處則指一確定之區爲標識不使稍有含混嗣於六區

全椒縣志

卷首

凡例

九

中又各按坊詳敘隨其道里之遠近方域之廣狹市鎮之大小由城及區由區及坊合而分分而合俾觀者一目可以瞭然

一各類載事必詳審範圍不容侵軼如公廨一門有宜詳他類者此處止載其地址之所在餘則曰詳某某類如警察所宜詳武備教育會宜詳學校商會宜詳實業餘可類推一古蹟名勝畫分甚難今據有事蹟見諸史傳紀載者採列古蹟而以縣中八景及諸名勝附焉至名賢塚墓本應括於古蹟之中舊志另分門類茲與新輯之碑刻并副目於古蹟揆之義例較爲簡當

一山川古蹟歷代多有題詠以及壇廟祠宇橋梁寺觀之脩建各記舊志均低一格附載各事之後又首列篇目及作者姓名往往有一事附載記文數篇者而正文轉有關畧今於正文詳敘事實以詩詞記文用小字雙行隨時分載於下庶參觀互證不至有喧賓奪主之虞他凡不在正文內者俱仿此

一食貨之原在於實業實業不講何由食足貨豐語曰農以生之工以成之商以通之今於實業分農林工藝商賈三類次於戶口之後田賦之前蓋生齒既繁宜求生計家有恒產斯國有正供此又與風俗物產田賦水利彼此互相

全椒縣志

卷首

凡例

二十

維繫誠今日最切要之急務也烏可忽諸

一學宮本當日庠序之地非專爲祀孔子而設其必祀孔子者亦猶近日學校必有禮堂中設孔子龕位所以示學者重道尊師之意今於壇廟遵改孔子廟而於學校仍沿用學宮舊名似可並行不悖至兩廡從祀諸賢以及陳設祭器祭品樂器樂舞等制閱者兼可隨時考古故均依民國三年議定祀孔典禮登載

一共和兵事視昔加詳因時經鼎革他類無從載入故將辛亥以後數年凡關於縣內重要之舉無不一一直書俾資稽考至在事之人止重保衛地方蓋變起倉卒一時防患

善後各事無不待人而治幾於竭蹶下及杞梓旁搜但有微勞皆宜備錄不加論定焉

一 人物分門舊志已不爲少然尚有壹意潛脩其人足爲後生觀感者應加採錄今於儒林文苑之外別增篤學一門亦取善務盡之意也有舊志已列文苑而并無著述之大端者亦即移併類中各歸於當

一 志中載事遇有前代官階名稱應歸一律傳內連及他人者則直書名有官謚者或加以官謚不稱某君某先生以非家傳可比其邑人則書邑人重見者皆不書附載碑記不在此例

全椒縣志

卷首

凡例

三

一 各傳之後舊志另附載贈答詩詞及所上章奏連篇累牘殊嫌凌亂考史記屈原相如等傳所有詞賦漢書賈誼鼂錯等傳所有策疏均敘列本傳之內今於著有稿集者專載稿集之名而於零篇賸句及見他人寄贈者從史漢例載入本傳詞多則用小字雙行以清眉目至補入及續編諸傳均按時代先後敘列不分新增

一 選舉舊志不另立綱止用一表統於人物之內最爲得體緣選舉本人物之見端也今自制舉薦辟文武科試及恩拔歲優等貢總括一表而以中學以上畢業生及議會議員各會長局長附之蓋民國前選舉操之自上民國後選

舉操之自下其爲選舉一也他如宦績無傳者則有仕籍表武功則有封爵表忠節則有卹贈表條理秩然俱沿用之

一通例生不立傳惟孝子節婦如前已奉旌及年例相符卽卒年在三十以內卽守節滿三十年者事實特異者仍可入傳或入表至已故節孝節烈難烈等類多至千數百人今就事蹟可稽者立傳餘皆列表俾顯名卽可思義或更擇一二大端分注於下以期彰闡無遺

一 漢書藝文志顯載書目隋經籍志并載亡書邑內迭經兵亂鉛槧幾同秦劫倘沒而不載殊失表揚先賢之旨今採

全椒縣志

卷首

凡例

三

漢隋兩例僅載書目不涉篇章其原集不存及存而未梓者均備錄之以俟壁經復出舊稿重刊無卷數者姑從闕如至生存人雖有佳著概屏不收

一 歷代名稱俱依舊史陳壽三國志朱子綱目議之尊蜀漢爲正統故懷甯志稱末漢旁附魏吳本志舊稱三國今國體既更志統之說無容執梃自以仍用三國爲妥

一 各志之末皆有稊志稊記以囊括各類之所未備本志仍舊名爲稊志以五行改爲祥異因史家五行之名後人多有謬議惟留摭拾一門方伎已改爲藝術入人物辨訛已附載各事之役亦可刪汰增錄舊例舊序於篇終蓋卽以

本志之緣起爲本志之歸宿亦述而不作之意也

全椒縣志

卷首

凡例

垂

全椒縣境圖

